

# ISIFUNDO SESITHATHU Ukuhlanyela, Ukwehlukanisa , Ukuhlakula Lokufaka umvundiso owaphezulu

## UKUHLANYELA KOMILE IZULU LINGAKANI

Ukuhlanyela izulu lingakani kuyakhuthazwa lapho okungelangozi yobudli obuzapanda inhlangano obunjengezikhwehle lamagundwane.

Kulabo abafaka phansi inhlangano izulu lingakani, kumele bananzelele ukuthi inhlangano itshoniswe ukuyivikela ukuthi ingaboliswa lizudlwana. Kumele inhlangano itshone okungaba yi 2cm.

## UKUHLANYELA EMHLABATHINI OMANZI

Inyawuthi/Amabele/ - Hlangano ngezulu lakuqala elile silinganiso se 20mm sekwedlule u10 Lwezi (November) kumbe ngezulu lakuqala elizagcwalisa amagodi.

Amazambane- Hlangano ngezulu lakuqala elile silinganiso se (20mm) sekwedlule u 10 Lwezi (November) kumbe ngezulu lakuqala elizagcwalisa amagodi.

Indumba zesintu- hlangano ngezulu elizakuna ngemva kuka 15 Mpalakazi (December).

**Nanzelela: Lima ngezulu lakuqala mnyaka yonke.**

## UKUSIPHUNA USEHLUKANISA AMASINDE EZILIMO (INYAWUTHI LOBA AMABELE)

Siphuna usehlukenisa amasinde amabele kumbe inyawuthi kuviki ezintanhu emilile ngale indlela:

- Lapho okumile amasinde edlula amabili egodini linye, siphuna isinde elikhanya lingalihle utshiye amabili.
- Lapho okulesinde elilodwa egodini, siphuna utshiye amasinde amathathu kugodi elilandelayo ukuze kwenaniselane.
- Lapho okulegodi elingelalutho, siphuna utshiye amasinde amathathu kumagodi angabomakhelwane ukuze ayenanisele lelo elingelalutho.



*Ukusiphuna usehlukenisa izilimo.*



**USAID**  
UNCEDO OLUELA  
EBANTWINI BEAMERICA




**CNFA**  
Cultivating New Frontiers  
in Agriculture

## UKUHLAKULA UKHULA

Ukhula ludlela izilimo umquba, amanzi, lubangise ekukhongozeleni ilanga lomoya.


- Ngalokho-ke ukhula kumele lukhithshwe lungakedlulisi amaviki amathathu lumilile.
- Ukwendlala ingubo yomhlabathi kuyavikela ukumila lokukhula kokhula
- Sonke isikhathi hlala ukhiphile ukhula ukuvikela ukuhaza kwalo intanga.
- Ukhula lungakhithshwa ngokuhlakula ngekhuba lezandla, ukusiphuna ngezandla, kumbe lubulawe ngemithi (ama *herbicides*).



## UKUFAKA UMVUNDISO OWAPHEZULU

- Faka umvundiso wokukhulisa ngemva kwamaviki amathathu izilimo zimilile.
- Emhlabathini olivutshevu, ingxenye yemvundiso ezafakwa kundima yonke ingafakwa phakathi kwamaviki amathathu kusiya kwamane (3-4 weeks) isilimo similile, enye ingxenye ifakwe kuviki lesth upa kusiya kwelesikhombisa (6-7 weeks).
- Umvundiso wokukhulisa kumele ufakwe ngemvuw kokusiphuna lokuhlakula.
- Umvundiso ofakelwa phezulu kumele ufakwe emhlabathini omanzi khupela.
- Nxa umhlabathi womile, hloma ukhuni eceleni kwesinde lesilimo lutshone okwamasentimitha amahlanu kusiya kwalitshumi (5-10 cm deep), faka umvundiso emhlabathini ophakathi omanzi ubusugqibela igodi njengalokhu okutshengiswe lapha.

# 1 Ubese ufaka ifethalayiza uqgibele ngenhlabathi njengalokhu okubukiswe ngaphansi lapha.



# 2 Emhlabathini ogenqukileyo, umvundiso kumele ufakwe kucele eliphezulu kwesinde lesilimo njengalokhu okutshengiswe kumfanekiso olandelayo.




*Umvundiso ufakwa kucele eliphezulu kwesinde lesilimo.*

**3** Umvundiso owaphezulu akumelanga ufakwe uthintane lesilimo. Kumele ufakwe kubelesibanga es-ingangobude bebhokisi lomentshisi kumbe amasentimitha amahlanu kusiya kwalitshumi (5-10cm) khatshana kwesinde lesilimo njengalokhu okutshengiswe ngaphansi.



**4** Faka umvundiso ogcwele waqonga kusivalo sembodlela yeCoke kumbe eyotshwala eceleni kwasinde linye ngalinye njengalokhu okufanekiswe kumfanekiso ongaphansi.



Dinga uncedo lomlimisi oseeduze lawe nxa kukhona ongakuzwisiyo kumbe okusileleyo kulolugwalo.